



CUMÛN DA SENT



Il mas-chalch da Sent

Publicaziuns officialas. Cumpara seguond bsögn.
2012-2014
no. 11

7554 Sent, 24 settember 2012 / bmr

Radunanza generala - Società da duonnas

Invid a nossa radunanza generala in **lündeschdi, als 1. october 2012** a las **20.00** in chasa cumünala Misoch.

Tractandas:

1. Rapport da la presidenta
2. Prelecziun dal protocol
3. Rendaquint
4. Data per cumanzar
5. Donaziuns
6. Varia

Lavurs sün postaziun sun amo adüna actuals. Grazia fich.

No sperain sün gronda cumparsa e vain grond plaschair da pudair salüdar eir novas commembras. Ün grond grazcha fich a tuot quels chi han sustgnü nossa società d'urant l'on.

Società da duonnas

Ramassamaint da büschmainta e s-charpas

Als 1. october 2012 vain ramassada tras las dittas (Terre des hommes e la ditte Contex) büschmainta veglia e s-charpas douvradas.

Las dittas manzunadas sustegnan cun quistas entradas, als uffants in bsögn, i'ls pajais esters. I'ls prossems dis vegnan scumpartits duos sachs, per deponar büschmainta e s-charpas. L'alb e nair per büschmainta e textilia e quel gelg e cotschen per s-charpas.

Per plaschair deponar quists sachs tenor avis süls sachs, la bunura avant las 08.30 bain visibel da la vart da la via.

Las duos instituziuns ingrazchan ouravant a la populaziun per quist agüd.

Contex SA

Tscherchè persuna

Per nos genituors attempats tscherchaina nus üna persuna da media età chi güdess 3 fin 4 uras la bunura, pro las lavurs da chasa e la cura persunala. Per ulteriuras infuormaziuns 076 377 22 72 o 076 479 41 08.

Person gesucht

Für unsere betagten Eltern, suchen wir eine Person mittleren Alters, die jeweils morgens für 3 bis 4 Stunden, bei der Betreuung und im Haushalt mithelfen kann.

Für weitere Informationen rufen Sie uns an 076 377 22 72 oder 076 479 41 08.

Anita Tonas Pittalà

Da dar a fit

Tscherchè da dar a fit a Sent, a Stron 245, a partir dals 1. december 2012, ün' abitaziun da 3½ stanzas, möblada o na möblada, cun cheminè da lain, stüva cun bler sulai, wireless avantman. Na fümaders ed ingünas bes-chas chasanas. Fit al mais excl. cuosts supplementars (ca. frs. 80.-- al mais) frs. 1'220.--. Ulteriuras dumondas pro Nienke & Michel Ebben, tel. 081 860 37 19.

Adrian Zangger

Da dar a fit

A partir dals 1. december 2012 ün studio cun üna nouva cumbinaziun da chadafö e piazza da parcar. Annunzchas pro: Esther Reinalter-Ernst, 081 862 23 29 / 078 929 40 97.

Esther Reinalter-Ernst

Da dar a fit

Da dar a fit üna abitaziun da 3 stanzas sülla pauraria Tuffarolas cun pussibilità da far üert. Fit al mais frs. 1'350.-- cun forza electrica. Per ulteriuras dumondas staina gugent a disposiziun, Sandra e Curdin Roner, 081 864 73 41.

Sanda e Curdin Roner

Tscherchè duonna per pulir

Tscherchè duonna per pulir ün' abitaziun da vacanzas da 5 ½ stanzas a partir da la stagiun d'inviern 2012/2013. Per dumondas plü detagliadas telefonar a la famiglia Staub-Pua 076 386 08 19.

Cornelia & Beat Staub-Pua

Festa da Racolta

7 october 2012: Festa da racolta e d'ingrazchamaint

10.00 Cult divin cun Soncha Tschaina e battaisem da Livio Rauch. Als 6 october 2012 a partir da las 13.30 vain decorada la baselgia. Per fluors, frütta e verdüra savaina grà.

La corporaziun evangelica

Palperi vegl

In marcurdi, als 3 october 2012 a partir da las 08.00 ramassaina palperi vegl.

Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).

La scoula

Deponia Tuols

A partir da subit esa ün container da Nespresso per büttar davent las capslas da caffè da Nespresso e quellas d' aluminium. Quist servezzan vain miss a disposiziun da la firma Nespresso ed es gratuit.

Scheffa d' immundizchas

Marchà d'utuon 2012

Sco minch' on ha lö eir quist on a Sent in Plaz il marchà d'utuon. Il termin es in **sonda, als 6 october 2012 da las 10.00 fin a las 16.00**. Annunzchas ed infuormaziuns piglia incunter duonna Nadja Demonti-Ritz – Telefon 078 829 53 35.

Il comité dal marchà

Vacanzas da pratcha dal meidi / Praxisferien

La pratcha dal meidi es serrada da **gövgia, 4 october 2012 fin dumengia, 21 october 2012.**

Sur il nomer d'urgenza dals meidis da chasa d'Engiadina Bassa **081 864 12 12** vegnan Els/Ellas colliats/colliadas d'ürant 24 uras al di e 7 dis l'eivna directamaing cul meidi da chasa chi ha servezzan.

Die Arztpraxis bleibt von **Donnerstag, 4. Oktober 2012 bis Sonntag, 21. Oktober 2012** geschlossen.

Über die Notfallnummer der Hausärzte des Unterengadins **081 864 12 12** erreichen Sie rund um die Uhr an 7 Tagen der Woche direkt den diensthabenden Hausarzt.

Dr. med. Iris Zürcher

Proget da chant

Scha l'interess es avantman organisaina eir dal 2012/2013 ün proget da chant per creschüts culla partecipaziun da la 5 e 6 avla classa da Sent. Quel proget nun ha be il böt da svagliar il plaschair da chantar, ma eir da promover la cumünanza. Sco culminaziun vaina previs da prodüer noss resultats in fuorma da concert illa baselgia da Sent (data: sonda, **8 gün 2013**).

Program:

chanzuns popularas rumantschas, talianas, tudais-chas e dal muond



Las prouvas (4 blocs a 6-8 prouvas) han lö il lündeschdi saira (20.15-22.00).

I dà in mincha cas singulas prouvas cumünaivlas culs scolars suot la guida da **Jachen Janett** chi dirigiarà eir il concert! No gnin accumpagnats da **Risch Biert** al clavazin.

Prüma prova cun orientaziun:
lündeschdi, 22 october 12 / 20.15 scoula (saletta)

Gianna Bettina Gritti, Rita Nuotclà ed Andri Gritti

Ultim avis – Leger giò l'ura da l'aua

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò svesa l'ura da l'aua e d'indichar il stadi actual al büro cumünal fin il plü tard ils **5 october 2012**. Il Cumün as resalva il dret da far controllas da las indicaziuns.

----- **Tagliar**

Indicaziun – ura da l'aua 2012

Stadi da l'ura da l'aua: als

Chasa no. Possessur:

Schef d'aua e chanalisaziun